



**R.P. Valerii Reginaldi Bvrgvndi Seqvani E Societ: Iesv,
Praxis Fori Poenitentialis**

Ad Directionem Confessarii, In Vsv Sacri sui muneris ...

Regnault, Valère

Mogvntiæ, 1617

Cap. 1. De natura præcepti,

[urn:nbn:de:hbz:466:1-78332](#)



LIBER PRIMVS, ET TO- TIVS OPERIS DECIMVS. SEXTVS.

DE RATIONE SPECIALI IUDICANDI DE PEC-
CATIS respectu habito in communi ad precepta, quorum transgressione
peccata ipsa committuntur.

PRÆFATIO.

Hæc ratio consistit in notitia tum naturæ præcepti, tum eorum quæ pos-
sunt contrauenientem præcepto excusare a peccato: tum etiam quorun-
dam documentorum, quæ considerare oportet iudicando de peccatis: tum
demum diuersitatis præceptorum, quæ omnia sigillatim propriis capitibus
tractanda sunt.



CAPVT I.

De natura præcepti.

S V M M A R I A.

- 1 Definitio præcepti.
- 2 Non solum bone & male, sed etiam indifferentes actiones ca-
dunt sub præceptum.
- 3 Varius modus virtutis.
- 4 Generalem modum supernaturalem virtutis, non cadere sub
præceptum, quomodo intelligi debeat.
- 5 Solutio objectionum, quibus urgeat, talem modum cadere sub
præceptum.
- 6 Generalis modus naturalis virtutis, partim cadit sub præ-
ceptum tan diuinum, quam humanum; partim sub diu-
num tantummodo, partim nec sub diuinum, nec sub hu-
manum.
- 7 Tres medi, quibus intelligi potest actionem sui ex electione.
Primus, non coadie, qui cadit sub præceptum tan diuinum,
quam humanum.
- 8 Secundus, sine m-tu. Tertius, alacri voluntate, quorum illi-
non cadit sub præceptum, & hic tantummodo sub diu-
num.
- 9 Ratio discernendi inter præceptum, & consilium.
- 10 Quatenus talis discretio ex verbis legi fieri posst.
- 11 Quomodo fiat ex materia legis: & quod materia consilij ne-
queat mala esse: quodque malam esse, contingat dupli-
citer.

Nu.1.

Ad explicationem naturæ præcepti Sylvest. in
verbo Præceptum initio, definitionem hanc
ex D. Thomæ doctrina tradit: quod sit motio
Superioris imperatoria ad aliquid agendum
vel fugiendum ex necessitate. Illius autem pri-
ma pars indicat, quod præceptum in Superiori, sit actus ra-
tionis & voluntatis, tendens in subditos per modum impe-
rii. Secunda vero, ostendit præcepti materiam, esse actum
virtutis, & actum virtutis: quorum ille agendum est, & hic fu-
giendum. Tertia denique declarat præceptum imponere ne-
cessitatem obediendi; itaut peccetur si non fiat quod præ-
cipitur: hocque est, quod in ca. fin. 14. quest. 1. dicitur:
Quod præcipitur imperatur, & quod imperatur necesse est
fieri. Est præterea id in quo præceptum distinguitur à con-
silio; iuxta illud quod in eodem cap. subiungitur. Vbi con-

silio datur, offerentis arbitrium est: ubi præceptum ne-
cessitas est seruientis. Ut autem plenius hac intelligentur,
tres quæsitiones explicandæ sunt.

QVÆSTIO I.

An omnes, & sole actiones virtutum & vitiorum cadant
sub præceptum.

Ad hanc respondeatur, nec solas, nec omnes cadere.
Non quidem solas, quia indifferentes cadere posse sub
præceptum patet ex eo, quod præcepta ceremonialia cuius-
que legis, solent esse de actionibus externis indifferenter;
qua ex le nullam habent moralē bonitatē vel malitiam;
sed solum vt à religione in Dei cultu afflumuntur. Quan-
quam vt in præcedenti libro 14. numero 2. annotatum est,
actio ex se indifferens, hoc ipso quod legitime præcipi-
tur, ponitur in aliquo officio virtutis, bonaque moraliter
efficitur: & hoc ipso quod legitime prohibetur, fit repu-
gnans alicui virtutem, ac moraliter ut alia. Nec item omnes
dictas actiones sub præceptum cadere ex eo patet; quod
pleræque cadant solum sub consilium; vt illæ virtutum a-
ctiones quæ pertinent ad eximiam perfectionem hominis:
cuiusmodi censentur ex de quibus dicitur Proverb. 3. De
primis omnium frugum tuarum de pauperibus] & cap.
25. Si esurierit inimicus tuus ciba illum, &c.] & 1. Corinth.
7. De virginibus præceptum Domini non habeo, consilium autem do] & alia de quibus Dominus apud D. Matth.
cap. 5. 6. & 19.

QVÆSTIO II.

An cum actione, modus virtutis cadat sub præ-
ceptum.

VT ad hanc respondeatur supponendum est, modum
virtutis esse duplicum: unum speciale, seu cuiusque
speciali virtutis proprium: qualis est iustitia quidem, iuste
seu seruato iurius ordine alteri suum reddere: temperantia
vero, temperate, seu seruata moderatione in vita & ma-
trimonij vtu, viuere: & sic de aliis. Alterum autem genera-
lem, qui adhuc duplex est: unus supernaturalis & diuini-
tus infusus, qui est charitatis habitus, gratia gratum fa-
cientis comes individuus: alter naturalis, & humana indu-
stria acquisitus, qui est virtutis moralis habitus, quo virtu-
te (vt sic dicam) agitur; requirens in virtuoso tres condi-
tiones ex Aristot. in 2. Ethic. cap. 4. nempe vi scienter agat:
deinde vt ex electione propter finem: ac demum vt firmo-

stabi-

stabilique animo: quarum una deficiente perit talis modus virtutis. Atque his ita positis; prima propositio statuitur. Modum proprium cuiusque virtutis cedere sub præceptum tam diuinum, quam humanum. Ratio est, quia virtutis actio, de qua datur præceptum; nequit sine tali modo considerere, cum ab eo suam speciem, propriamque rationem accipiat.

De generali modo supernaturali.

N. 4.

Secunda propositio statuitur. Generalem modum supernaturalem virtutis, non cedere sub præceptum. Ea autem non est ita intelligenda, quasi sensus sit, nullum haberi speciale præceptum de actu charitatis. Id enim falsum esse aperte constat: tum ex aliis sacrae Scripturae locis in quibus amor Dei aut proximi præcipitur: tum præfertum ex cap. 22. D. Matth. vbi maximum & primum mandatum in lege, Dominus ait esse. Diliges dominum tuum ex toto corde tuo; &c. & secundum simile, Diliges proximum tuum sicut teipsum. Sed intelligenda est, ut sensus sit, dum actio virtutis præcipitur, non præcipi co ipso ut ex charitate ista sit. Quod D. Thomas communiter refert Nauar. Enchirid. cap. II. numero 13: receptus in ea re, recte probat 1. 2. question. 100 articul. 10. quia sequetur alioqui, ut quicumque extra charitatem facit opus de quo datur præceptum affirmatiuum: aut abstinet ab opere virtutis de quo datur præceptum negatiuum: peccet tanguam transgressio præcepti: cum non habens charitatem non possit operari ex charitate. At id inconveniens est, immo hereticum ex Concilio Tridentin. sess. 6. can. 7. de iustificatione: ubi anathematizatus tale quid dicens. Et certe si id verum effet, cum nemo sciat an habeat charitatem, quicquid egerimus semper anxijs essemus, an quodcumque præceptum impleverimus. Itaque præcepto Honora patrem tuum, inquit D. Thomas, non includitur, quod pater honoretur ex charitate; sed solum quod honoretur. Quod si casus contigit in quo patet ex charitate honorari debet: ea obligatio, ut idem D. Thomas addit in foliis 2. argumenti, nascitur ex eo, quod in tali casu, speciale præceptum de actu charitatis obligat; non autem ex eo, quod præceptum de honorando patre, eam imponat. Addit ex Maiore Nauarrus in comment. De indulgentiis notab. 32. numero 46. versu 3. per actum etiam mortis malum (atque adeo et pugnantem charitati) posse præceptum impleri: ut Ecclesiasticum de sacro sancta Eucharistia sumenda in Paschate, impletur eam sumendo tunc indigne: quod est quidem peccatum mortale contra præceptum diuinum de ea digna sumenda; sed non est contra præceptum Ecclesiasticum: quoniam ipsum ea ratione impletur quod operis substantiam, cum absolute detur tantum de usurpanda tunc temporis, ipsa Eucharistia sumptione.

N. 5.

Si obicias præcepta dari de mediis consequendæ vita æternæ, iuxta illud Matth. 19. Si vis ad vitam ingredi, serua mandata] & per consequens de iis quæ agenda sunt de charitate: cum acta sine charitate nihil proficit ad æternam vitam consequendam, vt ex cap. 13. prioris ad Corinth. habetur in cap. ultimo de pœnitent. distinct. 3. pateretur ex Concilio Tridentin. in cit. sess. cap. 7. sub finem. Respondetur inde propositionem nostram confirmari. Cum enim præcepta dentur de mediis quibus peruenient ad finem, non de fine (vt videtur in medicina, in qua non dantur præcepta de sanitate) præcepta data de actionibus virtutum, non debent censeri data de charitate. Vnde sit, ut quod substantiam operis possint extra charitatem impleri, iuxta supradicta: quoniam secundum intentionem præcipientis impleenda essent ex charitate: ad quam ipsa illa ordinavit, sicut præcepta sua medius ordinat ad sanitatem. Itaque ei qui præceptum implet, sed non ex charitate, idem vniuersit quod ei qui ex mandato Regis muniuat aliquod castrum, sed alia intentione quam Rex haberet mandando: aut ei qui ab iniuria inferenda abstinuit iuxta legem in Republ. latam, sed non ob eiusdem Reipubl. pacem, quam intendebat legislator. Nam nec ille mandati Regis; nec iste legis publicæ transgressor iudicatur: quia illud quod præceptum erat, implet secundum totam substantiam operis. Adverte ex Soto in lib. 2. de iustit. & iure, quæst. 3. articul. 10. vt

præceptum impletur quod substantiam operis, sufficere ex parte principij, generalem Dei concursum: & ex parte finis, ut opus ipsum saepe natura ad Deum tanquam omnium finem ultimum referatur: prout omne opus de se bonum refertur, nisi aliqua mala circumstantia depravetur. Ad quam doctrinam confirmandam induci potest illud D. Pauli ad Rom. 2. Gentes quæ legem non habent, naturaliter quæ legis sunt faciunt.

De generali modo naturali.

Tertia propositio statuitur. Generalem virtutis modum naturalem & acquisitum, partim cedere sub præceptum tam diuinum quam humanum: partim sub diuinum tantum, non sub humanum: partim neque sub diuinum, neque sub humanum. Hanc habet D. Thomas I. 2. quæst. 10. art. 9. Cuius prima pars probatur: quia dictus generalis modus secundum suam primam conditionem, que est scienter agere, cadit sub utrumque præceptum. Nam ad satisfaciendum præcepto sue diuino sue humano, requiritur ut id quod præcipitur scienter agatur: debet enim (non minus quam præcepti transgressio) actio esse libera, quæ requirit antegressam scientiam. Vnde si dormiens vel ebrios, vel alia ratione impos mentis, sacram Missæ audiat in die festo, non satisfacit præcepto Ecclesie: quia nescit quid faciat: ita ut se rediens, debeat ad satisfaciendum, adhuc audire. Non vero ille qui Missam deuote audiuit, sed sine intentione satisfaciendi præcepto: sive quia non advertit diem esse festum: sive quia statuit aliam Missam audire. Nam, ut Thomas Sanchez in opere mora i argumentatur, lib. I. cap. 13. num. 9. legislatores tantum dant præceptum de opere faciendo, non autem de intentione faciendi: quo pertinent dicenda lib. I. 8. num. 150. & lib. 19. num. 23.

Tertia pars propositionis ex eo confirmatur, quod idem modus secundum suam tertiam conditionem, (que est agere firmo animo,) sub neutrum præceptum cadat: quia firmatas illa includit rationem habitus requirent longam exercitationem; cum tamen homines statim ac peruenient ad usum rationis obligentur ad præcepta implenda. Itaque si quis debitum honorem impendat parentibus, quoniam non habeat pietatis habitum, satisfacit præcepto de honorandis parentibus: ita ut neque ab homine, neque à Deo puniatur tanquam illius transgressor: ut loco citat habet D. Thomas.

Secunda pars demum, & pariter duas adhuc aliae probatur: quia idem generalis modus quoad secundam conditionem, que est fieri ex electione propter finem, partim cedit sub præceptum tam diuinum quam humanum, partim sub neutrum; & partim sub diuinum quidem, non tamen sub humanum.

Quod ut patet notandum est, eandem secundam conditionem duas habere partes: nempe fieri ex electione, & fieri propter finem. Atque priorem tribus modis intelligi: quorum primus est, vt ex electione fieri dicatur, quod sponte fit, & non coacte: quomodo accepta proposita conditio cadit sub omne præceptum tam diuinum quam humano. Per actum enim coactum non satisfacit præcepto sue diuino sue humano, cum impletio præcepti non sit nuda passio, sed actio libera: qualis non est ea in qua cernitur coactio. Vnde si quis vi trahitus ad templum interficit sacro, non satisfacit præcepto de eo audiendo: nec item si quis cogatur ieunare, quia ablatus est ab eo omnis cibus, satisfacit præcepto, quo imponitur ieunium, & sic de similibus: non modo cum quisad ea coactus, reficerit eliciendo quantum potest aetum contrarium; sed etiam cum manerit indifferens, & ad neutram partem propensus reliquerit se arbitrio coagentis; nihil resistendo vi illatz. Non vero si primo quidem fuerit coactus, sed postea consentiat in opus præcepti: tunc enim cum opus ipsum faciat libere, & non ex coactione, satisfacit præcepto.

Adverte autem ista non procedere, cum ad satisfaciendum præcepto, solummodo requiratur actus exterior: tunc enim quantumcumque opus fiat coacte, satisfactum esse censebitur: vt si creditor vi acciperet a me pecunias sibi debitas, satisfacerem præcepto de restituendo alieno, neque

N. 6.

N. 7.

Nu.8. 4
deberem denū solvere idem debitum. Verumtamen peccarem, si nollem restitutionem esse factam.

Secundus modus est, ut id ex electione fieri dicatur, quod sit sine metu. Secundum quem modum supradicta conditio non est in praecepto: ut argumento est, quod plerunque detur praeceptum addita comminatione pena, cuius metu inducuntur subditi ad ipsum implendum. Quia ratione datum est constat primum omnium, Genef. 2. dicente Deo ad Adam, De ligno scientia boni & mali ne comedas, in quo cumque enim die comederis ex eo, morte morieris. Accedit quod metus non tollat, sicut coactio, liberum; etiam si illud nonnunquam ita minuat ut à peccato excusat: prout declaratum est in precedentibus libro 1. cap. 8.

Tertius modus est, ut ex electione dicatur fieri, quod fit propensa alacrius voluntate; secundum quem modum, eadem supradicta conditio cadit sub praeceptum diuinum, non autem sub humanum. Quia enim homo videt quae parent: Deus autem non intuetur cor, i. Reg. 16. is qui cum voluntatis auctoritate & quadam mœstitia præceptum implet, ut censetur accidere ei qui non occidit quidem; sed vellet occidere, non satiscit Deo prohibenti homicidium, ut patet ex cap. 5. D. Matth. ver. 22. & 23. sicut satisfactus est homini, qui de interioribus non iudicat. Ex quo eodem fundamento colligitur, candem secundum conditionem ratione sua posterioris partis, que est fieri propter finem, seu bona intentione, cadere sub praeceptum diuinum, non autem sub humanum; quandoquidem intentione, est effectus interior latens in animo; de qua proinde homo in quantum de se sibi ingnota, ut non iudicat, ita nec facit Deus; cuius oculis omnia sunt nuda & aperta ad Hebr. 4. Itaque si Iudex odio vel alia mala intendo malefactorem mortuus tradat; aut pecuniari mutuo acceptam ea intentione reddat ut detur ad usuram: vel gladium alterius apud se depositum ei restituat ut alium occidat; diuinum præceptum violat, non autem humanum: unde tanquam præcepti transgressor punitur à Deo, non item ab homine, ex D. Thom. in cit. art. 9. Quidam negandum non est, Ecclesiam habere potestatem puniendi ea qua fiunt malo affectu (ut patet ex dictis in precedentibus libro 13. cap. 2. scilicet 2.) Atque per hoc statim patet 2. pars nostra tertia propositionis: sicut per præcedentia duas reliqua.

Q V A E S T I O III.

Quenam sit ratio discernendi præceptum à consilio.

Nu.9. **M**agna est inter præceptum & consilium similitudo, cum utrumque sit quoddam legis præscriptum, in quo non facile detergit dixeritas. Quæ quidem tota ex eo prouenit, quemadmodum attigit à Victoria in relectione de potestate ciuii, num. 20. quod legislator in suis legibus, non vult semper exigere a suis subditiis obedientiam debitam; sed aliquando tantum ordinem simpliciter quid faciendum sit; docens & dirigenz potius, quam præcipiens. Quod quando fiat, ita ut lex ipsius consultoria tantum, non autem præceptorum iudicanda sit, unde pender ratio discernendi præceptum à consilio. Syllo in verbo Præceptum, quæst. 2. & 3. recte explicit, dum ista statuat.

Nu.10. Primum est, An lex consultoria sit vel præceptiva, non posse semper cognosci ex ipsis verbis; quoniam in lege nonnunquam verbum precarium, ut rogo, inuenitur usurpatum præceptiu, ut il. quæst. 3. cap. Rogo: quod glosa ibidem annotata: & nonnunquam verbum præceptiu, ut mando, usurpatum precario, ut in cap. Mandatis, 2. quæst. 4. ubi id glosa quoque annotata.

Secundum est: nisi de legislatoris intentione aliunde considererit, censeri non posse consultoria tantum esse legem eam, quæ datur per verba præceptiva: qualia ex Alphonso à Castro in 1. lib. de lege penal, cap. 5. documento 4. sunt: præcipio, mando, iubeo, prohibeo, inhibeo, veto, interdicto, & eius equivalentia: etiam si materia legis præceptiva non sit, sed tantum consultoria: nisi quod verbum, debet, etiam si equaleat, in materia consultoria importet, inquit Sylvestris, solam congruitatem, id est, debitum hone-

statis, & non iustitiae vel necessitatis. Sic enim quod in cap. 1. De desponsatione impuberum dicitur: quod si pater filium nondum adulturn, matrimonio tradiderit, filius ipse postquam peruerterit ad perfectam ætatem, debet illud impleri: glosa finalis ibidem interpretatur, debere debito honnatis, non autem necessitatibus.

Tertius est: cum lex datur per verba imperativa, non præceptiva: qualia sunt, dicant, faciant, legant, taceant, & alia innumerata, non posse ex eorum significandi vi cognosci, an ea si præceptiva, obligative ad peccatum: quoniam talia verba possunt in propria sua significacione, tam à consilientia quam à præcipiente usurpari. Sic cum dicitur Psalm. 75. Vouete & reddite, &c. illud esse consilium, & hoc præcepti, ex vi significandi vocum, nullatenus cognosci patet. Itaque inquirendum est r. de legislatoris voluntate imponendi vel non imponendi obligacionem.

De qua voluntate si constare non possit, recurrendum est ad materiam: quia si præceptua sit, lex quoque præceptua esse iudicabitur: quia verba legis debent ad materiam ipsius accommodari argumento citati cap. Rogo, iuncta eiusdem glossa. Censetur vero tunc præceptua legis materia, cum est de necessariis, vel ad iustitiam, vel ad charitatem, vel ad iuveniam reverentiam: ut non fieri clandestina matrimonia: fratrem corripi: non communi unicare pleno stomacho, & multa alia, de quibus bene determinari non potest nisi ex communis doctrinæ sententia. Haec Sylvestris. Ex cuius doctrina relinquitur, si legis materia non fuerit necessaria ad iustitiam vel charitatem vel iuveniam reverentiam: neque fieri, ut i. l. m. quæst. b. et m. quæst. 2. ponderosa, id est, magni momenti ac ponderis, legem, sic tantum consultoriæ: vi hanc. Si quis te percusserit in dexteram maxillam tuam, præbe illi & alteram, Math. 5. cum quibusdam aliis, quæ ibidem habentur.

Aduertere autem quia de eo quod malum est, consilium dari non potest, sicut nec præceptum: requiri ut consultoria materia sit fatem indiferentia, manime vero mala: ut esse potest ex Nauar. in Enchir. cap. 23. num. 1. ex defectu: vel fini, vel alicuius debite circumstantia, vel obiectu siue non iustificabiliis, id est, talis, quod nulla circumstantia possit bonum fieri, ut mentiri: siue non iustificati, id est, talis quod de se malum sit quidem, sed ita ut possit fieri bonum ex aliqua circumstantia: ut occidere hominem, potest ex circumstantiis perfolorum: & alius de quibus suo loco in sequenti lib. 21.

C A P V T II.

De iis que contravenientem præcepto excusare possunt à peccato.

S V M M A R I A.

12. De impotentiæ excusante à peccato.
13. Duo modi quibus contingit ignorantia à peccato excusans.
14. Quando contingat respectu præceptorum legi natura.
15. Quando respectu diuinae legis positiva.
16. Quæ eiusdem legis tradita notitia tollat illius ignorantiam à peccato excusantem: que item dubitatio eandem tollat: si ad veritatem intelligendam diligentia non adhibetur.
17. Quæ monitus præcedens sufficiat ad constituantem eius genitrix dubitationem.
18. De dispensatione in ordine ad præcepta iuris naturæ, & in que ex eis, illa posset aut non posset cadere.
19. Res potest definire esse iuris naturæ, per mutationem ipsius, siue secundum se, siue secundum suam circumstantiam: quod exemplis illustratur.
20. Quando licet præceptum de bono priuato, aut de minore bono datum, omittere ob commune, vel maius bonum.

VOLENTI de peccatis ex aliquo præcepto iudicare, videndum est in primis: An sit aliquid quod contravenientem excusat à peccato: ut esse potest, tum metus grauius & cadens in constantem virum: tum impotentia:

tum